

禹貢錐指卷第十

德清胡渭學

黑水西河惟雍州

釋文雍於用反

傳曰西距黑水東據河龍門之河在冀州西正義曰  
河在雍州之東而謂之西河者以冀州西界故王制  
云自東河至於西河千里而近是河相對而為東西  
也渭按黑水水經注云出張掖雞山南流至燉煌邊  
三危山南流入于南海括地志云源出伊州伊吾縣  
北百二十里南流絕三危山在沙州燉煌縣東南四  
十里二說未知孰是通典云孔鄭通儒莫知其所或  
是年代久遠遂至堙涸無以詳焉辯見導水河經龍  
門而南至于華陰為西河左傳昭十三年晉叔魚謂

世貢金指卷第十  
季孫曰將為子除館於西河禮記子夏退而老於西河之上史記魏武侯浮西河而下封吳起為西河守皆此水也

爾雅河西曰雍州注云自西河至黑水疏引李巡云兼得梁州之地周禮正西曰雍州疏云周之雍豫於禹貢兼梁州之地按梁併於雍說本漢志然雍州西北二邊世有戎翟之患自夏桀時畎夷入居邠岐之間成湯既興伐而攘之及殷室中衰諸夷皆叛至于武丁征西戎鬼方三年乃克故其詩曰昔有成湯自彼氐羌莫敢不來享莫敢不來王言武丁能繼湯之烈也及武乙暴虐犬戎寇邊周

古公踰梁山而避於岐下及太丁之時季歷伐燕  
京之戎戎人大敗周師文王爲西伯西有昆夷之  
患北有玁狁之難遂攘戎翟而戎之莫不賓服厲  
王無道戎狄寇掠乃入犬丘殺秦仲之族宣王承  
厲王之後玁狁孔熾整居焦穫侵鎬及方至于涇  
陽雍州之域爲戎翟所侵陵如此則其疆場未必  
能悉如禹貢又禹貢梁州之山水無一入職方者  
故杜氏言梁州當夏殷之間爲蠻夷之國蓋即牧  
誓所稱庸蜀盧彭等是也雍之併梁亦虛名耳今  
據周禮言之正東曰青州其南則有揚其北則有  
幽而西則不然自雍州以正西其西北西南兩隅

皆缺焉然則梁地爲羈縻之國固不待言而雍之  
西境如西傾積石豬野流沙三危黑水之區皆沒  
於戎翟禹貢之舊疆不可復問矣爾雅曰離州以  
河西則華山以南不在界中可知其西北亦當虧  
損殷周之雍實小於禹貢或因併梁之說而反以  
爲大此耳食之學未可與道古也

雍州爲奧區神臯后稷始封於郃一作駱公劉處幽

太王徙岐文王作豐武王治鎬及虜崇密須之封

皆在焉春秋時可考者號文王弟所封曰西號周召畢豐鄭初

咸林之地漢爲鄠縣屬京兆今華州是秦芮梁崇密驪戎白狄晉西境凡十四

國戰國時屬秦而魏趙亦兼得其地秦并天下置

內史上郡北地九原隴西雲中

西南境唐榆林郡是

漢以其地

之西偏置涼州

領郡十漢志云改雜曰涼

而三輔則領於司隸後漢

並因之魏分置秦州晉又分置雍州

領郡國七治京兆涼州領郡國八治

武威秦州領郡六治上郡

唐為京畿之京兆府

雍州

華陰

華馮翊同

扶風

岐新平

等郡關內道之汧陽

隴安定

涇彭原

寧安化

慶平涼

原靈武

鹽五原

宥寧朔

洛交

鄜中部

坊延安

延咸寧

丹上郡

綏銀川

麟新秦

夏朔方

豐九原

榆林

勝安北

大都護府分勝州界置

等郡隴右道之天水

秦隴西

渭金

蘭城

會寧

河安鄉

洮臨洮

岷和政

廓寧塞

鄯西平

武

涼威

甘張掖

肅酒泉

瓜晉昌

沙燉煌

伊伊吾

西交河

北

庭庭州

後為安西

都護府

等郡按以上通典所列伊吾交

河北庭安西自古爲戎狄不在禹貢九州之限又  
河湟之間吐谷渾故地未嘗爲郡縣故不入雍域  
以今輿地言之陝西臨洮平涼慶陽延安鳳翔五  
府其西安府則唯商州洛南山陽鎮安商南鞏昌  
府則唯鳳縣兩當徽州成縣階州文縣爲梁域餘  
皆屬雍又榆林衛寧夏衛寧夏中衛及靖遠岷州  
洮州三衛行都司所領甘州莊浪等諸衛所其在  
化外者南至西傾積石西踰三危北抵沙漠皆古  
雍州域也

黑水今不可得詳據括地志言出伊吾南流絕三  
危山則當自燉煌北大磧外流入郡界南經白龍

堆東三危山西又南經吐谷渾界中又南經吐蕃  
界中繞出河源之外而入于南海梁州之黑水河  
是一川非為雍西界者也說見導水

西河東與冀分界自今榆林衛故勝州東北折而  
南且西經府谷神木又西南經葭州吳堡又南經

綏德清澗延川延長又東南經宜川並屬延安府又南經

韓城邵陽朝邑以至于華陰並屬西安府與豫接界河行

凡一千七百餘里

雍之南界自華陰太華山以西為華州渭南藍田

鄠縣盩厔並屬西安府郿縣寶雞並屬鳳翔府皆以南山與梁分

界又西為鳳縣有大散嶺又西為徽州有鐵山木

皮嶺又西爲成縣有驚峽羊頭峽龍門戍

並屬鞏昌府

又

西爲岷州衛又西爲洮州衛有西傾山皆與梁分

界處也

詳見漆州

自西傾又西歷吐谷渾南至大積石自

積石又西歷吐谷渾南党項白蘭之北至于黑水

吐谷渾本遼東鮮卑種也東晉初徙居袍罕宋景

平中其子孫有阿豺者升西疆山觀墊江源則其

地南至西傾矣又數傳爲夸呂始自號可汗治伏

俟城在青海西十五里據有甘松之南洮水之西

南極於白蘭其地東西三千里南北千餘里党項

羌在古析支之地漢時燒當羌亦嘗居之白蘭者

羌之別種也其地皆與吐谷渾接吐谷渾在河湟



其西南南流  
河自此始則湟水之南積石之北  
其為雍州之域無疑矣

無可見約略言之言今塞外東受

界和志云東受界在又西四百里

又西四百餘里為西受界

二年張仁愿所築南直今

之南謂之北河河北有

北邊塞至遠東外有陰

西為高關山戰國時趙築長城至陰

為塞及秦始皇斥逐匈奴河上為

卷六

秦二百里至河取高闕陶山北假中擊亭亭以  
逐秦人走也其地又有光祿塞雞鹿塞漢兵蔭城  
皆建亭五原二郡境也又西爲河西四郡之北鄙  
漢太中收匈奴休屠渾邪王地置武威張掖酒  
泉交城以通西域隔絕羌胡往來武威姑臧縣北  
三百里有白亭軍元和志云在馬城河東岸天寶  
二年哥舒翰置因白亭海爲名也張掖東北一千  
五百餘里有地曰居延元狩二年霍去病出北地  
二千餘里過居延太初三年使路博德築居延澤  
上今甘州衛塞外居延故城是也亦曰居延霍元  
馬亦集乃路地理志云在甘州北一千五百壘城

東北有大澤西北俱接沙磧乃漢居延故城明洪武初馮勝拔肅州進至掃林山亦集乃路是也合黎山在張掖縣西北二百里弱水由此東北入居延澤遮虜障在肅州酒泉縣北二百四十里李陵與單于戰處敦煌即今廢沙州衛衛北抵大磧磧外即古伊吾盧地唐置伊州今為廢哈密衛也自雲中至敦煌六郡皆古雍州之域後為戎翟所據至秦漢始收復者其北皆臨大磧大磧即沙幕

謂之幕者人謂之磧

東西數千里南北遠者千里無水草不可

駐牧雖禽獸亦不能居之

通典曰梁州境宇雖遐遠而雜以夷獠中夏唯冀

州最大渭按九州雍為大冀梁次之雍東西相距約三千七百餘里南北相距約二千五百餘里四隅無大空缺禹導山水所行無外國地河自積石入雍域為中國河禹導河自此沿流而下直至于龍門則金城朔方之河必不在戎翟界中可知也杜氏誤以龍支之積石為禹貢之積石遂謂河湟之間自古為羌戎非中國所有雍西南境虧地廣二千里輪千餘里矣故語大不數雍云

卷之三

之西流至于合黎正義曰諸水言既道此言  
之導之使西流也鄭云衆水皆東此水獨

西故記其西下也程氏曰弱水初必壅遏而東旣導之西則逆者順矣渭按地理志張掖刪丹縣桑欽以爲道弱水自此西至酒泉合黎今陝西行都司之山丹衛故刪丹縣也詳見導水

傳同叔云橫流之時弱水亦東侵而被於河河不安而涇亦受其患禹導之使西以復其故道則河西無氾濫之水河安而涇亦安矣渭按弱水在大河之西其地雖遠而氾濫特甚雍州之患無急於此者故禹先治之河大矣弱水之去來不足爲重輕其爲災亦止河西耳涇水更不相及不可以旣字連下爲義

涇屬渭水

卷之五 涇音經屬之蜀反  
涇本又作內同如銳反

傳曰屬也水北曰涇言治涇水入于渭正義曰屬  
謂相連屬故訓為逮逮及也言水相及毛詩傳云涇  
水涇也鄭云涇之言內也蓋以人皆南面望水則北  
為涇也且涇水南入渭而名爲渭涇知水北曰涇言  
治涇水使之入渭亦是從故道也地理志云涇水出  
安定涇陽縣西牙頭山東南至馮翊陽陵縣入渭行  
千六百里按涇陽故城在今陝西平涼府平涼縣  
西者按在縣西一百里陽陵故城在今西安府

高陵縣西五十里說文涇水相入也左傳閔公二

年按涇水入于渭水杜預曰水之隈曲曰涇

渭水經注云蓋大隴山之異名莊子謂黃帝學道  
於廣成子蓋在北山百泉縣涇水下引水經涇水  
出安定涇陽縣高山注云山海經曰高山涇水出  
焉東流注于渭入關謂之八水彈箏峽下引水經  
注云涇水逕都廬山山路之內常有如彈箏之聲  
行者聞之鼓舞而去又云絃歌之山峽口水流風  
吹滴崖響如彈箏之韻因名涇州靈臺縣蒲川下

引水經注云蒲川水出南山蒲谷東北合細川水  
又東北合且氏川水邠州宜祿縣芮水下引水經  
注云沟水又東逕宜祿川俗謂之宜祿川水芹川  
下引水經注云出羅山縣千子山一名千子嶺  
東流逕宜祿縣北真寧縣大陵水下引水經注云  
大陵小陵水出巡和南殊川西南逕寧陽城故豳  
詩云夾其皇澗陵水即皇澗也乾州永壽縣高泉  
下引水經注云甘泉即高泉山也耀州雲陽縣涇  
水下引水經注云涇水東流歷峽謂之涇峽五龍  
谷泉下引水經注云五龍水出雲陽宮西南雍州  
醴泉縣谷口城下引水經注云九峻山東仲山西



也此皆言涇水而今本無之是

水篇宋初尚存後乃亡之耳今據通

志記長安志及近世州縣志所載以

涇水出平涼府平涼縣西箐頭山

本道通志打頭山在崆峒山西亦作箐頭山記黃帝西至于崆峒登箐頭

之山是也又作雞頭秦始皇巡隴西北地至雞頭山是也元和志原州平高

縣箐頭一名崆峒山在縣西一百里又自泉縣西至州九十里涇水出

山故道亦曰薄落水又南流逕都蘆山山路之中常如彈箏之聲故行旅

因謂之彈箏峽按百泉本漢朝那及涇陽地今為平涼縣地故山入其界平

高即今固原州元和志云箐頭山在平

其界西一百里設也平高當作平涼

南逕華亭縣東北

華亭在府南一百二十里本漢涇縣地

又東逕涇州南

涇州

在府東一百五十里本漢安定縣唐為係

又東逕長武縣北汧水

定縣涇水合元和志涇水在縣東一里

入焉

長武在邠州西北八十里本漢鶡觚縣地唐為宜祿縣汧水源自鳳

又東南逕邠州北邠州在西安府西北三百五十里本漢漆縣唐為新平縣邠州治元和志新平縣涇水西

又東南逕淳化縣西淳化在州東少南一百四十里本漢雲陽縣元和志涇水在雲陽縣

又南逕永壽縣東永壽在西安府乾州北九十里本漢漆縣元和志涇水自新平縣界流入舊

又南逕醴泉縣東醴泉在府西北一百二十里本漢谷口縣九嵎山在縣東北五十里

又東南逕涇陽縣長安志云醴泉縣在九嵎山東仲山西當涇水出谷之處故謂之谷口今縣東四十里谷口城是

南涇陽在府北七十里本漢池陽縣晉惠帝析置涇陽縣元和志云苻秦置今縣東南涇陽故城是也隋移今治池陽故城在今縣西北二里後

周廢入涇陽溝洫志云秦令水工鄭國鑿涇水自中山西邸瓠口為渠並北山東注洛三百餘里注填闕之水溉畝之地四萬餘頃收皆畝一鍾於是

關中為沃野無凶年秦以富彊卒并諸侯因名曰鄭國渠至武帝元鼎六年百三十六歲兒寬為左內史奏請穿鑿六輔渠以益溉鄭國旁高仰之田後

十六歲大始二年趙中大夫白公復奏穿渠引涇水首起谷口尾入櫟陽注渭中表二百里溉田四千五百頃因名曰白渠民得其饒歌之曰田於何所

池陽谷口鄭國在前白渠起後舉雨為雲決渠為雨涇水一石其泥數斗且溉且冀長我禾黍衣食京師億萬之口言此兩渠饒也渭按中讀曰仲即今

九嵎之東仲山也邸至也瓠口即冷谷亦稱瓠中北山即嶽許諸山也涇水在今涇陽縣南七里左傳成十三年晉師及秦戰于麻遂秦師敗績晉師

涇及侯麗而還襄十四年晉帥諸侯之師伐秦濟涇而次秦人毒涇川流卽人多歛卽此水也仲山在縣西北七十里東北接嵯峨山西麓中隔冶谷西南連九變山涇水經其中冶水出谷處俗謂之東谷口西坪谷口二十餘里卽封禪書所謂寒門谷口也宋至道初議脩鄭白渠詔皇甫遵何亮相度選等言鄭渠並仲山而東鑿斷岡阜首尾三百餘里連亘山足岸壁頽壞堙廢已久度其制置之始涇河平淺直入渠口暨年代遠涇河陡深水勢漸下與渠口相懸水不能至峻崖之處渠岸久廢實難致力三白渠漑涇陽櫟陽高陵雲陽三原富平六縣田三千八百五十餘頃宜增築隄堰以固護之自是以後三白渠屢加修治頗得其利而鄭渠卒不可興復元和志云大白渠在涇陽縣東北十里中白渠首受大白渠東流入高陵縣界南白渠首受中白渠東南流亦入高陵縣界也六輔渠在鄭渠上流之南一白渠在鄭渠下流之南

入于渭水

六輔渠入渭水至縣

洧之言洧六字或作內河內曰冀州州在河北也

漢中書有在漢水之北閻百詩云渭洧洧字解有

作洧者有作水之隈曲者有作水曲流者有作

永中書者不若說文洧水相入也於此處爲確

解左氏一書莊四年曰漢汭閔二年曰渭汭宣八

年曰滑汭昭元年曰雒汭四年曰夏汭五年曰羅

汭二十四年曰豫章之汭二十七年曰沙汭定四

年曰淮汭哀十五年曰桐汭水名下繫以汭者衆

矣又何疑於禹貢渭按汭水相入與水之隈曲曰

二義適相成而不相悖蓋兩水相入其水會襟

必有隈曲詩大雅芮鞠之即芮即職方涇汭

也漢志扶風汭縣下云芮水出西北東

之雍州川也師古曰院讀與鞠同余因

之汭之義蓋涇水東南流至邠州長武

京府靈臺縣界流經縣南而東注

于涇公劉所居故豳城正在二水相會內曲之處  
及其後人衆而地不能容則又營其外曲以居之  
故曰止旅廼密芮鞠之即鄭箋曰水之內曰隩水  
之外曰鞠外即南內即北也推之洛汭亦然名誥  
太保以庶殷攻位于洛汭傳云洛水北今河南城  
也漢河南縣即周之王城東去鞏縣之什谷尚百  
有餘里召公治都邑之位豈逼側洛水入河之口  
乎知洛汭則知渭汭矣或曰雍州有二渭汭從孔  
義則凡渭北之地皆為渭汭此渭汭當為漢高陵  
縣地後渭汭當為漢襄德縣地今朝邑同一渭汭而前  
後所指各別經豈支離若是邪曰地異而其為渭

水則同高陵者涇渭二水之會也襄德者河渭二水之會也均為水北均為水相入均為水之隈曲

渭地而言不專指水口也

洛入河處謂之洛汭渭入河處謂之渭汭  
至華陰之永豐倉而入河此  
二百八十里間涇與渭相連故曰涇屬渭汭吳幼  
子詩邶風涇以渭濁湜湜其汜傳云涇  
而清濁異故辛氏三秦記附會其辭曰涇  
三百里清濁不雜此山齋之說所自出也  
亦謂涇水得渭而形其濁耳毛傳云  
水亦入者專指渭汭而言未必如辛

天澤... 亦然又專指渭口為渭汭故復作是  
... 從新好異之過也

... 渭汭三水名屬連屬也涇水連屬渭汭  
二水也黃東發非之曰古說涇入于渭水之內而  
... 既從澧水攸同皆主渭言之文意俱協若以  
... 為一水而入涇則涇屬渭汭者是涇既入渭汭

又入涇下文漆沮之從澧水之同孰從孰同耶職  
方氏其川涇汭易氏解云汭非禹貢之汭禹貢言  
汭皆水內此川名鄒季友亦曰涇水先會汭水後  
入渭水則經當言涇屬汭渭不當先渭而後汭况

下文即有渭水字不可異說一言破的蔡說可以

永廢矣

沮既從

釋文沮  
七徐反

傳曰漆沮之水已從入渭顏氏曰漆沮即馮翊之洛

水吳氏曰從如恒衛既從之從渭按地理志沮水出

北地直路縣西東入洛洛水至馮翊襄懷德縣東南

入渭直路縣自後漢已廢其故城在今延安府鄜州

中部縣西北二百里襄德今西安府同州之朝邑縣

也縣西南四十三里有懷德故城水經注云渭水東

過華陰縣北洛水入焉關駟以為漆沮之水華陰縣

北即懷德縣南也



導渭傳云漆沮二水名亦曰洛水出馮翊北正義  
云地理志漆水出扶風漆縣依十三州記漆水出  
岐山東入渭則與漆沮不同矣此云會于涇又東  
過漆沮是漆沮在涇水之東故孔以爲洛水一名  
漆沮水經沮水出北地直路縣東入洛又曰鄭渠  
在太上皇陵東南濁水入焉俗謂之漆水又謂之  
漆沮其水東流注於洛水志云在馮翊懷德縣東  
南入渭以水土驗之與毛詩古公自土沮漆者別  
也彼漆即扶風漆水彼沮則未聞渭按此說是也  
本疏引扶風漆水蓋未定之論失於刊正耳

水經沮水出北地直路縣東過馮翊

反

丁活翊音縣

北東入于洛

今延安府之宜君縣西安府之耀州及同官縣皆漢初縣地

注云沮水自直

縣東南逕焦石山東南流歷檀臺川俗謂之檀

水屈而夾山西流又西南逕宜君川世又謂之

若水

在今縣南

又得黃嶽水口

水西北出雲陽縣石門山黃嶽

秦之流逕殺襍故城

城在今耀州東一里

又南

水

水出南山而西逕銅官川之銅官水又西南逕殺襍縣

又南出土門

又東南歷土門南原下

又東逕漢太上皇

而東注鄭渠又東濁水

分為二水

一曰漢水也至白渠與澤泉合俗謂之

漢水

澤泉在縣西也漢水自鄭渠合沮水又直北注漢水至白渠合為故瀋水得漆沮

二曰漢水年孫故城北為櫟陽渠

無年故城即櫟陽故城在

三曰漢水又名石川水

括地志云沮水一名石川水源出富平縣東南入櫟陽蓋即此

四曰漢水郭獲城西與白渠枝渠合又南入

五曰漢水三原縣界發終白渠而不入富

其一水東出

六曰漢水東澤泉合水出沮東澤中與沮水隔

七曰漢水五里東流逕懷德城北東南注鄭渠合

八曰漢水在富平縣西十三里東南入漆沮

沮猶鄭渠

九曰漢水

在項陽縣故城南項陽故城在今富平縣東北五十里

又東連蓮勺縣

十曰漢水

今渭南縣東北有

又東逕漢光武故城北又東

逕粟邑縣故城北

今白水縣界有粟邑故城

又東北注於洛水

洛水在白水縣

東渭按酈元以濁水爲漆水宋人則以銅官川水

來合沮水者爲漆水近志皆承其說云沮水出中

部縣西北子午嶺

中部在延安府鄜州南一百四十里本漢馮翊翟道縣姚秦改置中部縣直路故城在焉唐屬

坊州寰宇記云沮水自坊州昇平縣北子午嶺出俗號子午水下合榆谷慈馬等川遂爲沮水按昇平廢縣在今宜君縣西北三十五里沮水所經非所

出也子午山在中部縣北亦曰子午嶺沮水出焉嶺綺巨慶陽延安二府之間其南麓抵縣界或云即橋山也

東南流逕宜

君縣東北又東南逕同官縣西

同官在今耀州北七十里

又南逕耀

州西而東會漆水

耀州在西安府北少東百六十里本唐華原縣

漆水出同官縣

東北西南流至縣城東北注于銅官水又西南至

州南與沮水合

寰宇記云華原縣漆水自東北同官縣界來合沮水長安志云漆水經華原縣界十五里南流合沮水入

富平縣界俗名石川水同官志云漆水在縣東北五十里源出北高山以其地多漆木而名西南流合銅官川水耀州志云沮水經州城西循西乳山東

水入焉又南經五臺山出至

且水又東南逕富平縣西南

又東南逕白水縣南而東注于洛

然漆水原委宋人始言

化無所苦據也

實豫有谷而雍無洛洛水之名其昉于殷周之

平周禮雍州之浸曰渭洛詩小雅曰瞻彼洛矣

水泱泱毛傳云洛宗周漑浸水也周語幽王時

三川震章云涇渭洛也史記周本紀西伯獻洛

西之地於紂晉世家文公攘戎翟居於河西圍洛

之間魏世家築長城自鄭濱洛以東有上郡漢志

激六軒

洛水出北地歸德縣北蠻夷中入河山海經曰白  
於之山洛水出于其陽而東流注于渭元和志云  
白於山一名女郎山在洛源縣北三十里按歸德  
廢縣在今慶陽府安化縣東北隋改曰洛源五代  
時廢寰宇記云廢洛源縣在慶州東北二百七十  
里白於山又在其北也

慶陽舊志云山在合水縣北二十里誤

水經無洛水

之目唯沮水渭水注中各一見然寰宇記慶州安

化縣尉李下引水經注云尉李城亦曰不窰城白

馬水下引水經注云洛川南逕尉李城東北合馬

嶺水號白馬水華池縣子午山舊名翟道山一謂

雞山引水經云有烏雞水出焉西北注于洛水樂

蟠縣有水出縣西北引水經注云與青山水合寧  
州安定縣洛水下引水經一名馬嶺川水注云洛  
水又南逕柤邑故城北與新陽川水合珊瑚谷水  
下引水經云珊瑚水東南至柤邑入洛襄樂縣大  
延水下引水經注云大延小延水出油水南延溪  
西南流逕襄樂縣南於延城西二水合流油水下  
引水經云與追語川水並出東翟道山鄜州洛交  
縣白水下引水經云白水源出分水嶺三川縣葦  
谷水下引水經注云自葦谷東南流入三川黃原  
水下引水經注云砂羅谷水南流逕黃原祠東合  
葦川坊州中部縣石堂山下引水經注云猪水西

出翟道縣西石堂山本名翟道山穆天子傳曰癸酉天子命駕八駿之馱造父爲御南征朔野逕絕翟道升于太行翟道卽縣西之石堂山也郭璞以爲隴右狄道非也淺石川下引水經云淺石川水出翟道山香川水下引水經注云香川水出中部縣北香山在縣西南三十七里自宜君縣界來南香水在縣南三十五里出遺谷泥水下引水經云泥水出翟道縣泥谷蒲水下引水經注云蒲谷水出山中部縣蒲谷原丹州宜川縣丹陽川下引水蒲川水自鄜州洛川縣流入丹陽川延州膚水水下引水經注云清水出上郡北流至老



人谷俗謂老人谷水又東逕高奴縣合豐水同州

馮翊縣商原下引水經注云洛水南逕商原西俗

謂許原也沙阜下引水經注云洛水東逕沙阜北

其阜東西八十里南北三十里俗名之曰沙苑澄

城縣新城下引水經注云雲門谷水源出澄城縣

界朝邑縣朝坂下引水經注云洛水東南歷彊梁

原俗所謂朝坂此皆言洛水而今本無之是水經

元有洛水篇宋初尚存後乃亡之耳今據通典元

和志寰宇記長安志及近世州縣志所載以補水

經之闕洛水出安化縣東北白於山

安化慶陽府治本漢郁郅縣屬北地郡今

縣治即南流逕廢洛源縣

府志云有蘆草溝在安化縣北百七十里即洛水之源

又東逕

其故城

保安縣西南

保安在延安府西北一百八十里本唐永康鎮宋置保安軍

又東南逕安塞

縣西

安塞在府西南四十里本漢高奴縣地

又南逕甘泉縣西

甘泉在府西南九十里本漢雕陰縣寰宇

記云洛水逕雕陰縣秦望山今縣南二十里雕陰山是也

又東南逕鄜州東

鄜州在府南一百八十里本漢雕陰縣地

洛水

又南為三川水

在州南六十里慶陽之華池水黑水流經此會因名亦謂之洛交水

又南

逕洛川縣西南

洛川在州東六十里本漢鄜縣地

又南逕中部縣東北

志云縣東十里有古川口即涇洛交會處亦曰龍首川渭按此不過涇水之流近世下流壅塞不由富平入洛則此遂為二水交會之通川耳

又南逕宜君縣東又東南逕白水縣東與沮水合

東至此

又東南逕澄城縣西與蒲城縣分

州北一百里本漢徵縣溝洫志云武帝用嚴熊言穿渠自徵

下敷重泉以東萬餘頃故惡地穿得龍骨故名曰龍首

又南逕

北五十里之商原也蒲城在華州北少西

又南逕

沙阜寰宇記云沙苑一名沙阜

又東南逕朝邑縣西之朝坂

即朝邑原元和

自趙渡鎮歷華陰縣西北蒹蘆灘

水至華陰縣北洛水入焉闕駟

水是也明成化中洛水改流而東過

渭矣

漢志歸德下云洛入河襄德下云入

入河者以二水合流渭亦可稱洛耳或疑焉

渭水入河者以二水合流渭亦可稱洛耳或疑焉

大野民之初生自土沮漆傳云沮水漆水也周

時稱真漆沮潛有多魚傳云漆沮岐周二水也此

豈謂扶風之漆沮而林少穎以猗與漆沮釋漆沮

豈從悉非不雅瞻彼洛矣傳以爲宗周漑浸之水

亦不言洛即漆沮謂漆沮亦曰洛水實自安國書  
傳始而闕駟酈道元從之孔穎達復援以釋詩於  
是洛與漆沮合而為一水矣其濁水上承雲陽大  
黑泉名漆沮水者乃土俗之稱而洛水之為漆沮  
則先儒皆以為然故顏師古注漢書亦用其說然  
直路之沮自櫟陽縣界合濁水分為二水一循鄭  
渠而東注洛其間二百餘里實鄭國之所鑿漢志  
云沮入洛亦據既有鄭渠後言之耳自鄭渠一廢  
而濁水絕於三原沮水不無富平可見此水存古  
時元合濁水至櫟陽入渭而不與洛通也程大昌  
雍錄謂禹貢漆沮惟富平石川河正當其地確不

漆水而沮則無聞漢志漆縣下云水在

漆水書其所出入水經云出杜陽縣俞山東北

漆水杜陽今為說文云出杜陽岐山東入渭闕駟

漆縣西北岐山東入渭酈道元云周太王去

鄒虞漆踰梁山止岐下故詩曰民之初生自土沮

漆又曰率西水許至于岐下此一漆也闕駟云

水出杜陽縣岐山北漆溪謂之漆渠西南流注岐

水酈道元云杜水出杜陽山東南流合漆水水出

杜陽之漆谿謂之漆渠南流合岐水至美陽縣注

于雍水美陽今為岐山隋志扶風普潤縣有漆水括地志

扶風二縣地同普潤漆六

故城在今麟遊縣西一百二十里

此又一漆也元和志云漆水在新平縣

西九里

漆縣唐為新平縣今邠州是

北流注于涇今麟遊縣東南亦

有漆水與此異寰宇記云按注水經曰漆水自宜

祿界來又東過漆縣北

今本水經注無此文元和志云宜祿縣東至邠州八十一里今長武縣是

即

今邠州所治也今縣西九里有白土川東北流經

白土原東陳陽原西又東北注涇水恐是漢之漆

水但古今異名耳麟遊之漆水南流與杜陽水合

非漢之漆水也渭按涇水今自邠州北東南流入

永壽縣界漆水東北流必注於涇言入渭者非漆

縣之漆注涇以入渭普潤之漆合杜岐雍以入渭

皆在涇水之西其不得為禹貢之漆也明矣二漆

中必有一沮在麟遊之漆當是沮水土俗音訛以沮爲漆耳

澧水攸同

釋文澧芳弓反

傳曰澧水所同同之於渭正義曰渭發源遠以渭爲主上云涇屬渭是矣漆沮旣從已從於渭澧水所同亦同於渭以渭爲主故也地理志澧水出扶風鄠縣東南北過上林苑入渭渭按鄠縣今屬陝西西安府其故城在今縣北二里上林苑在今長安縣西南澧水至咸陽縣西南入渭詩曰豐水東注維禹之績言同於渭也

澧一作豐又作鄠漢志扶風鄠縣古國有扈谷亭

扈夏啓所伐鄠水出東南又有瀟水皆北過上林

苑入渭水經無澧水之目其附見渭水篇中者曰

渭水自槐里縣故城南

槐里今為興平縣在西安府西北一百里

又東合甘

水

水出南山甘谷北流至鄠縣合澧水入渭甘誓云大戰于甘即此地

又東豐水從南來注之

地說云渭水與豐水會于短陰山內水會無他高

山巽巒所有唯原阜石激而已漢書音義張揖曰

澧水出鄠縣南山鄠谷北入渭長安志豐水出長

安西南五十五里終南山豐谷其源闊一十五

里下闊六十步水深三尺自鄠縣界來終縣界

三惠坊書入咸陽合渭水

咸陽縣在西安府西北五十里

昔文王作豐

詩詠其事鄭康成云豐在豐水之西



法蓋二十五里也

曰終始灞澹出入涇渭鄠鎬潦瀆紆  
灞澹乎其內蕩蕩乎八川分流相背而異  
注引閩中記云涇渭灞澹鄠鎬潦瀆凡八  
接八川唯涇在渭北餘皆在渭南出南山谷  
入渭灃水禹功之所及獨著於經餘詳見導  
渠傳云從如少之從長渭大而漆沮小故言從涇  
渭相若故言同林少穎以爲曰屬曰從曰同但變  
其文耳無異義也

雍州先涇次漆沮次灃禹治水之序也導渭先灃

次涇次漆沮渭納水之序也

林少穎云雍州之地東距龍門之河當夫河流泛濫未折而東雍州亦被其害及禹既載壺口治梁及岐二山在孟門龍門之間實河之所經河自此順流而東則治河之功既見於冀州矣故經序此州治水之迹唯弱水既西渭合衆水以歸於河則其功畢矣自荆岐既旅而下遂言平地川澤皆已有成績也

荆岐既旅終南博物至于鳥鼠

渭按博史記作駘

傳曰已旅祭言治功畢此荆在岐東非荆州之荆終南博物鳥鼠三山名正義曰治水從下自東而西先

荆後岐荆在岐東也地理志云禹貢北條荆山在馮  
翊懷德縣南三山空舉山名不言治意蒙上旣旅之  
文也地理志云扶風武功縣有太一山古文以爲終  
南垂山古文以爲博物皆在縣東渭按荆岐鳥鼠並  
詳見導山鳥鼠山在今陝西臨洮府渭源縣西渭水  
出焉上文言入渭者唯三水而禹之所治不盡於此  
也故於渭北舉荆岐渭南舉終南博物以包之梁岐  
之役渭亦旣治矣而自岐以西則未也至是旅及于  
鳥鼠則滌源之事畢矣

詩秦風曰終南何有有紀有堂傳云周之名山曰  
終南亦作中南左傳司馬侯曰中南九州之險是

也漢書東方朔傳曰南山出玉石金銀銅鐵良材  
百工所取給萬民所仰足也又有杭稻黎粟桑麻  
竹箭之饒土宜薑芋水多蠅魚貧者得以人給家  
足無饑寒之憂地理志曰鄆杜竹林南山檀柘號  
薄陸海爲九州膏腴關中記曰終南一名中南言  
在天下之中居都之南也

釋文曰三秦記云  
終南又名地肺

終南之名唯見於秦風而小雅則稱南山不一而  
足又有北山蓋南山謂都南諸山終南太一在焉  
北山謂都北諸山九變甘泉嶽嶽等也古終南止  
於盤屋自秦襄公取周地爲諸侯徙都於汧國人  
作詩以美之以終南起興終南遠接岍岐蓋自此

始說者遂以終南蔽南山謂西起秦隴東徹藍田  
橫亘八百里皆終南矣漢人又以都南之山爲秦  
嶺西都賦云晞秦嶺是也而終南則以武功之太  
一當之若盤屋以東無終南焉殊不可曉今按張  
衡西京賦云於前則終南太一潘岳西征賦云面  
終南而背雲陽又云太一龍嵒李善注云漢書武  
功縣有太一古文以爲終南此賦下云太一明與  
終南別山西京賦云於前則終南太一二山明矣  
此說是也竊意太一垂山皆禹貢之博物後人改  
名離爲二山耳水經注云太一山亦曰太白山在  
武功縣南

武功故縣在今鳳翔府郿縣東四十里渭水逕其北南對太白山

去長安二百里

不知其高幾何俗云武功太白去天三百杜彥達  
曰太白山南連武功山於諸山最爲秀傑冬夏積  
雪望之皓然郿縣志云太白山在縣東南四十里  
渭水之南東連武功縣界武功志云太白山在縣  
西南九十里亦名太乙山接郿縣及盩厔界而垂  
山則但述漢志語其形體若何高大幾何莫能言  
之蓋垂山即太一之北峰無二山也俱在縣東故  
莫得而判焉後人又以太一之南爲武功其北爲  
太白在禹貢則總爲博物郭景純所謂一實而數  
名者也程大昌雍錄云終南山旣高且廣多出物  
產故禹貢曰終南博物不當別有一山自名博物

此據說也經文簡奧鳥鼠同穴已省却二字而終  
篇之下加以博物不幾成附贅懸疣耶

言三山相望正義云至于爲首尾之辭故言相  
望按終南與博物接謂之相望可也博物西北距  
鳥鼠且千里安得謂之相望

陳太猷云古人舉事必祭况治水大事乎然旅獨  
梁雍言之者蓋九州終於梁雍以見諸州名山  
皆有祭也旅獨於蔡蒙荆岐言之者蓋紀梁之山  
終於蔡蒙紀雍之山始於荆岐以見州內諸名山  
皆有祭也故下文復以九山刊旅總結之渭按陳  
說自佳然恐非經旨壺口治河梁岐治河兼治野

故曰載曰治蒙羽岷嶓專治野故曰藝蔡蒙荆岐  
終南惇物烏鼠專治谿谷之水非田野不可言藝  
故曰旅三危治黑水兼治谿谷之水使人可居故  
曰宅其言各有所當要皆紀水土之功書旅意不  
在祀典也

原隰底績至于豬野

傳曰下溼曰隰豬野地名言皆致功正義曰下溼曰  
隰釋地文地理志云武威縣東北有休屠音除澤古文

以爲豬野澤鄭玄以爲詩云度其隰原即此原隰是  
也原隰幽地從此致功西至豬野之澤也渭按今西  
安府邠州及三水縣皆幽地漢武威縣屬武威郡今



水經注卷之五 衛水 衛水出於淇水之北 淇水出於衛東北

高平曰原下溼曰隰原本作遠周禮夏官有  
遺師掌辨丘陵墳衍遠隰之名說文遠高平之野  
人所登隰坂下溼也詩云昫昫原隰曾孫田之又  
云原隰既平泉流既清又云皇皇者華于彼原隰  
又云原隰裒矣兄弟求矣原隰處處有之公劉云  
度其隰原當亦與流泉夕陽相類非一定之地名  
也又如復降在原脊令在原隰有荷華隰有萋楚  
之類或單稱原或單稱隰二字可合可離故公劉  
稱隰原與泉單為韻若一定之地名則豈可顛倒  
以就韻乎周禮大司徒以土會之灋辨五地之物

生其五曰原隰禮記孟春之月善相丘陵阪險原隰土地所宜他書言原隰者尚多皆非一定之地名也以公劉之隰原為禹貢之原隰義實未安然論其地望則渭南渭北皆已旅平唯幽地尚宜致功且從此西北逾河以至武威道塗順便而原隰又無地以應之故諸家皆從鄭氏

水經都野澤在武威縣東北注云縣在姑臧城北三百里東北即休屠澤也古文以為豬野其水上承姑臧武始澤澤水二源東北流為一水又東北

逕馬城東謂之馬城河

城即休屠城也本匈奴休屠王都漢志武威郡休屠縣有休屠城元和志云在

涼州姑臧縣北六十里

河水又東北與橫水合

水出姑臧城下武威郡涼州治也漢元朔三年改雍曰涼

州遷於冀晉徙治此其水側城北流注馬城河今涼州衛治即姑臧故城也北至鎮番衛一百九十里 又東北清澗水

入焉俗亦謂之五澗水

水出姑臧城東而西北流注馬城河

又與長泉水

合

水出姑臧東擗次縣西北歷黃沙阜而東北流注馬城河漢志擗次屬武威郡其故城在今莊浪所西北

又東北逕宣

威縣故城南

漢志宣威屬武威郡西魏省入姑臧今爲鎮番衛地

又東北逕武威縣

故城東

漢太初四年匈奴渾邪王殺休屠王降以其衆置武威縣

地理志曰谷水出姑臧

南山北至武威入海屈此水流兩分一水北入休

屠澤俗謂之西海一水又東逕一百五十里入豬

野世謂之東海通謂之都野矣

太康地記云河北得水爲河塞外得水爲海

晉

省武威入姑臧故括地志云豬野澤在涼州姑臧

縣東北二百八十里也舊志謂白亭海即豬野澤

李按元和志白亭軍在姑臧縣北三百里馬城河

東岸因白亭海為名白亭海一名會水在肅州酒泉縣東北百四十里以北有白亭故名白亭海是軍與海東西相距八九百里徒遙取為名耳後人以軍在姑臧而名白亭遂混為一處陝西行都司志云白亭海一名小關端海子五澗谷水流入此海蓋誤以休屠澤為白亭海也

禹貢稱底績者三冀覃懷梁和夷及此原隰是也孔傳不言原隰為地名漢志亦闕愚按原隰雖處處有之而秦中之原獨多地勢高下相因有原則必有隰其卑於原者即隰也西京賦曰於後則高暨平原據渭澗涇澗漫靡迤作鎮於近此言渭北

諸原也今涇陽縣有石安原百頃原覆車原豐稔

原西成原清涼原其西則咸陽縣有畢原咸陽原

短陰原興平縣有始平原郿縣有積石原亦稱武原武功

縣有西原亦補雜原東原扶風縣有三時原岐山縣有周

原鳳翔縣有石鼓原西時原其東則高陵縣有奉

政原鹿苑原三原縣有天齊原豐原孟侯原白鹿

原富平縣有掘陵原羊蹄原中華原北鹵原南鹵

原八公原同州有高原即商顏許原朝邑縣有彊梁原

即朝坂其北則長武縣有鶉觚原一名淺水原黃萑原耀州亦

負高原故縣名華原澄城縣有臨高原韓城縣有

韓原高門原此皆原之在渭北者西都賦曰鄭白

之沃衣食之源提封五萬疆場綺分溝塍刻鏤原

隰龍鱗是也渭南亦有原凡南山之麓陂陀漫衍

者皆原也長安縣有細柳原其東則咸寧縣有畢

原畢終南神禾原少陵原即湯樂遊原藍田縣有白鹿

原涼風原亦稱風臨潼縣有普陀原或云即斷原渭南

縣有新豐原一名光明原其西則鄠縣有五丈原詩小

雅云信彼南山維禹甸之昀昀原隰曾孫田之我

疆我理南東其畝是也原多則隰亦多不可勝名

故總謂之原隰其地則盡今之西安府境兼得鳳

翔府之東鄙張良所謂沃野千里班固所謂九州

之壯腴者也梁岐之役固嘗施功於渭矣至是兼

其南北使涇漆沮灃皆由渭入河此決川距海之事也五山主谿谷而言原隰主田野而言皆濬畎澮距川之事也厥田上上密邇帝都故禹治之也加詳詩兩稱禹甸一為梁山一為南山南山明言原隰梁山之野平原最多班固敘鄭白之沃亦稱原隰原隰所該甚廣與大陸相似謂公劉之隰原亦在底績中則可謂禹貢之原隰專在豳地則不可也世宗鄭氏已久故仍存其說而以管見附焉

自原隰以至豬野中間所歷之地不可復考未知從何處渡河按今莊浪所本漢武威郡地延袤千

餘里號為沃壤東阻黃河與靖遠衛分水

衛治即唐會州會寧縣

疑當時從此渡河歷莊浪抵鎮番也若夫豬野之治則亦不專治此澤必併其上源而治之姑臧皆在厖績中矣漢書稱涼州之畜為天下饒東漢時目姑臧為脂膏之地後魏書太武滅北涼敕太子晃曰姑臧城東西二門外湧泉合於城北其大如河自餘溝渠流入漠中其間仍無燥地水草既豐土田亦美此禹貢所以志豬野也

三危既宅三苗丕敘

渭按宅史記作度

傳曰西裔之山已可居三苗之族大有次敘正義曰左傳稱舜去四凶投之四裔舜典云竄三苗于三危



是三危爲西裔之山也地理志杜林以爲敦煌郡即古瓜州昭九年左傳云先王居橐杓於四裔故允姓之姦居於瓜州杜預云允姓之祖與三苗俱放於三危瓜州今燉煌也禹治水未畢已竄三苗水災旣除彼得安定故云三苗之族大有次敘呂氏曰三苗不道竄于三危自後世觀之凡以罪流放者聽其自殘自生在所不恤聖人之心不如此方其有罪必行竄棄刑行之後施仁發政自當同及故禹治水至三危亦爲畫其居宅傅氏曰三危旣宅此治黑水之成功也渭按漢敦煌唐分爲瓜沙二州水經注云三危山在敦煌縣南括地志云在沙州燉煌縣東南四十里

山有三峰故名亦名卑羽山今爲嘉峪關外廢沙州

衛地

衛本屬行都司後棄之化外

既宅謂降丘宅土也治黑水及三危

而止兼有濟馱澮之事故言山以包之自豬野至黑水中隔弱水弱水先已治故豬野功畢即繼以黑水也三苗今爲湖廣岳州府地吳起曰三苗之國左洞庭右彭蠡是也舜臣堯竄其君及民于三危至是禹安定之

正義云三危山必是西裔未知山之所在鄭玄引

地記書曰三危之山在鳥鼠之西南當岷山則在

積石之西南地記乃妄書其言未必可信要知三

危之山必在河之南也渭按水經注兩引山海經

此皆蜀蠻之生危一云三危之山三青鳥居之廣

西

見第四十卷末

一云三危在燉煌南與

岷山相接山南帶黑水

見第三十一卷江水

與地記略同鳥鼠之

西南當岷山則在今臨洮府南岷州衛北矣又云

在積石之西南殊不可曉山南帶黑水蓋以扶州

之黑水出素嶺山入白水者當之也妄言無疑三

危山自當以在沙州者為是後魏書太平真君六

年討吐谷渾杜豐追被囊度三危至雪山即沙州

之三危也肅州舊志云白龍堆沙東倚三危北望

蒲昌是為西極要路推其地望可以得三危之形

勢矣

上句統居人言之下句則經理三苗之事苗雖竄其頑梗之性未必盡除與良民雜處或為害及是措置得宜俾各安其業不相侵擾人皆以為仁之至而不知其義之盡也

今文虞夏書凡言苗者五何遷乎有苗堯在位七十載中事也竄三苗于三危舜攝位時事也三苗丕敘禹治雍州時事也苗頑弗即工禹弼成五服時事也分北三苗舜即位九載後事也苗自是不復為惡矣晚出大禹謨更有徂征之事在禹攝位之後舜竄其族而無所難禹用大師而反不服識

者疑之

天子之物得其常性者最貴土色本黃此州  
故其田爲上上而非餘州之所及

賦中下

田第一賦第六人功少正義曰此與荊州賦田  
降皆較六等荊州升之極故云人功修此州降之  
極故云人功少其餘相較少者從此可知也王制云  
凡居民量地以制邑度地以居民地邑民居必參相  
得也則民當相準而得有人功修人功少者記言初  
置邑者可以量之而州境闊遠民居先定新遭洪水  
存亡不同故地勢有美惡人功有多少治水之後即

為此差在後隨人少多必得更立其等此非永定也  
九州田賦之高下先儒皆云以人功修不修故人  
功一以開墾多為修否則為不修一以糞多而力  
勤為修反是則為不修雍田第一而賦居第六斯  
為人功少之極矣今按詩云奕奕梁山維禹甸之  
經所謂治梁及岐者是也鄭白之沃皆在焉秦漢  
資以富饒其西為岐陽西北為豳地詩詠太王之  
遷岐曰周原膴膴荼如飴詠公劉之遷豳曰度  
其隰原徹田為糧則豳岐之土亦膏腴也此皆田  
之在渭北者也詩曰信彼南山維禹甸之則田之  
在渭南者東方朔云豐鎬之間號為土膏賈畝一

金是也史記貨殖傳曰自汧雍以東至河華膏壤沃野千里虞夏之貢以爲上田然則雍地雖大其在中邦之限禹所則讓以成賦者不過方千里其間又有高山長谷可以爲田者少不若冀之平原曠野一望皆良田又則壤之地居多即令雍他日人功益修亦未能及冀賦之第一由是推之田美而少則賦亦不甚多田惡而多則賦亦不甚少不盡係乎人功之修否也

九等之賦只就告成時言之疏云在後隨人少多必得更立其等眞通人之見愚謂此不但賦等爲然即貢物之多少他日亦未必盡同也

或問漢書云自鄭渠成海島鹵之地四萬餘頃關  
中始爲沃野無凶年然則前未有渠時渭北之地  
皆島鹵也雍田何以稱上上乎曰此地之爲島鹵  
以溝洫廢也禹盡力乎溝洫導谿谷之水以注之  
田間蓄泄以時旱潦有備高原下隰皆良田也渾  
水在其旁禹莫之用豈其智不若後人哉誠無所  
藉於此也自商鞅壞井田開阡陌而溝洫之制廢  
矣溝洫之制廢則水泉寫去其地爲鹹鹵五穀不  
殖秦人患之此鄭國之策所以行也然渠成之後  
島鹵仍不少兒寬所謂鄭國旁高印之田嚴熊所  
謂重泉以東故惡地是也故又有輔渠白渠龍首



渠之役及後漢都雒諸渠漸廢杜佑云秦漢時渠  
渠溉田四萬頃白渠溉四千五百餘頃唐永徽中  
所溉唯萬許頃洎大曆初又減至六千頃則兩渠  
之利至唐而益微矣宋人以鄭渠久廢不可興復  
唯修三白渠其所溉者涇陽富平等六縣田三千  
八百餘頃而已熙寧中於仲山旁更穿豐利渠溉  
田二萬五千餘頃元至正初以新渠堰壞乃復治  
舊渠口溉田四萬五千餘頃其數不減於漢然未  
幾亦廢何也則以涇流愈深渠身愈高水不能入  
口故也蓋地有高下勢有順逆濬畎澮之水以距  
川其勢順而易引川之水以入畎澮其勢逆而難

順而易者行之萬世而無弊間有小壞修治亦易  
為力逆而難者其始雖有不訾之利而其後將窮  
而無所復歲歲作堰浚渠得不償勞由今日觀之  
關中沃野徒虛語耳此行所無事聖人之智所以  
為大而後世之穿渠溉田者為智之鑿而不足貴  
也子因為鹵之說而致疑於禹貢若雍州之田非  
兩渠無以成其美不亦過乎

厥貢惟球琳琅玕

釋文球音求琳音來金反琅音郎許音干滑按球史記作璆

傳曰球琳皆玉名琅玕石而似玉正義曰釋地云西  
北之美者有崑崙虛之璆琳琅玕焉說者皆云球琳  
美玉名琅玕石而似珠者陸氏曰山海經云崑崙山

有琅玕樹

益稷戛擊鳴球傳曰球玉磬正義曰釋器云球玉也樂器唯磬用玉故球爲玉磬顧命大玉夷玉天球在東序傳曰球雍州所貢正義曰鄭玄云大玉華山之球也夷玉東北之珣玕琪也天球雍州所貢之玉色如天者皆璞未見琢治故不以禮器之名釋也謂按特磬以玉爲之堂上之樂也鳴球是已成之磬其未成器者謂之天球言天然之球也鄭云色如天非是雍州所貢當爲磬材未經琢治者故傳釋天球以此實之不然則豫貢磬錯將安所用邪然球亦不止爲磬材詩大雅鞞琫有珌傳

云鞞容刀鞞也琫上飾琕下飾也諸侯盪琫而璆  
秘大夫鐐琫而璆秘商頌受小球大球箋云受小  
玉謂尺二寸圭也受大玉謂琕長三尺禮記玉藻  
曰笏天子以球玉注云球美玉也是圭琕笏皆  
用球爲之也琳美玉上林賦云玫瑰碧琳西都賦  
云琳珉青瑩則琳乃玉之青碧色者其爲用也廣  
琅玕後世以爲雜佩之飾古時則未有聞也

爾雅崑崙虛之璆琳蓋卽西域于闐之玉也  
景本草經注曰好玉出藍田及南陽徐善其  
中日南盧容水中國疎勒于闐諸處皆善  
如豬膏叩之鳴者是眞也蘇頌圖經本草曰

田南陽日南不聞有玉惟于闐國出之晉鴻臚卿張匡鄴使于闐作行程記載其國采玉之地云玉河在于闐城外其源出崑山西流一千三百里至于闐界牛頭山乃疏爲三河一曰白玉河在城東三十里二曰綠玉河在城西二十里三曰烏玉河在綠玉河西七里其源雖一而其玉隨地而變故其色不同每歲五六月大水暴漲則玉隨流而至玉之多寡由水之大小七八月水退乃可取彼人謂之撈玉其國中有禁器用服食往往用玉中國所有亦自彼來渭按漢地理志京兆藍田縣山多美玉東方朔傳云南山出玉石外戚傳云璧帶往

往為黃金釭函藍田璧西都賦云陸海珍藏藍田  
美玉李善注引范子計然曰玉英出藍田水經注  
云麗戎之山一名藍田其陰多金其陽多玉是玉  
本雍州所產後魏書云李預羨古人餐玉之法乃  
採訪藍田掘得若環璧雜器者大小百餘枚皆光  
潤可愛又開元傳信記云太貞妃最善擊磬明皇  
令採藍田綠玉為磬李賀老夫採玉歌云採玉琢  
玉須水碧琢作步搖徒好色老夫飢寒龍為勢藍  
谿水氣無清白是唐時藍田尚有玉而蘇頌曰  
不聞有之未知何緣遂絕丘文莊云漢藍田出玉  
其時西域未通也今中國所用之玉來自于

白玄綠三種皆出於河與古時異崑山石之  
生有限而收之有盡邪然爾雅以璆琳繫之  
則中國之玉取給於西域尚矣禹時雍州所  
未必盡出藍田也

琅玕傳云石而似玉或云似珠玉言其質珠言  
形也山海經曰槐江之山上多琅玕金玉又曰  
明山北有珠樹又曰赤水之上有三珠樹淮南子  
曰崑崙山有碧樹在其北又曰曾城九重有琅玕  
在其東珠樹碧樹即琅玕也乃石之精液凝結成  
樹形人截斷其枝剉之使圓若珠狀與珊瑚相類  
故張揖廣雅以珊瑚爲珠郭璞爾雅注云琅玕石

之似珠者或言樹之子似珠妄也琅玕之狀唯本草言之最詳有石闌干者生蜀郡平澤名醫別錄以爲卽琅玕陶弘景曰此蜀都賦所稱青珠也琅玕是崑崙山上樹名蘇頌曰今秘書中有異魚圖載琅玕青色生海中云海人以網於海中取之初出水紅色久而青黑枝柯似珊瑚而上有孔竅如蟲蛀擊之有金石聲蓋石之美者明瑩若珠之色而狀森植爾寇宗奭曰西域記云天竺國出琅玕蘇恭謂是琉璃之類琉璃乃火成之物琅玕非火成者安得同類李時珍曰琅玕生於西北山中及海山厓間其云生於海底網取者是珊瑚非琅玕



也在山為琅玕在水為珊瑚亦有碧色者今回回  
地方出一種青珠與碧靛相似恐是琅玕所作又  
曰珊瑚生海底五七株成林出水變紅色者為上  
漢趙佗謂之火樹是也碧色者亦良昔人謂之青  
琅玕許慎云珊瑚赤色或生於海或生於山據此  
說則生於海者為珊瑚生於山者為琅玕尤可徵  
矣按張衡四愁詩曰何以報之青琅玕曹植美  
人篇曰腰佩翠琅玕琅玕色青翠故後人取以名  
之世南哀王孫曰腰下寶玦青珊瑚珊瑚之青者  
身環玕也琅玕又頗與瑟瑟木難相似瑟瑟即今  
寶珠中之碧色者木難亦碧色似珠但瑟瑟出坑

一云西番回鶻地方詭坑井內雲南澆東亦有之有紅綠碧紫數  
種者唐人謂之瑟瑟紅者宋人謂之紅靺鞨今通呼爲寶石以鑲  
指頭小木難乃鳥沫所成

美人篇曰明珠文玉  
體珊瑚間木難善注

一云木難金翅鳥  
珠地大秦國珍之

而琅玕則生山崖間森挺若

一云列云

一在貢責其所有不責其所無固也然當

通融之法凡貢物繫之以地者如岱畎

之絲桑之布怪石羽畎之夏翟澤陽之孤桐泗濱

之魚鹽之出此地者爲良非謂地在其境內者

不貢也余素持此論然諸州貢物頗

多不易見及觀雍州所貢而益信前

珠琳琅玕非州產又無篚即以藍田

世世寶琳所貢亦止此耳雍州據王制言之大  
山二百一十國苟惟藍田在其境內者貢玉而餘  
國則偃然坐享其賦稅一無所獻於天子有是理  
乎其必令市取以貢無疑也魯頌曰憬彼淮夷來  
獻其琛元龜象齒大賂南金淮夷徐州之夷也元  
龜出九江象齒出嶺表南金出荆揚之域非市取  
之境外何從得此以獻魯邪

聖人不貴遠物然禮樂文章之事有必須此以給  
其用者則亦令諸侯市取之外國以獻如象齒翠  
羽球琳琅玕之屬是也想其時賈胡各以其國之  
所出來相貿易禹曰懲遷有無化居此亦其一端

州境附近彼土者市取之良易後世或謂交廣之地  
地在古荆揚之域以象齒翠羽爲證然則球琳琅玕  
玕出自崑崙將西域三十六國亦在古雍州之域  
邪其不通甚矣

浮于積石至于龍門西河會于渭汭

傳曰積石山在金城西南河所經也沿河順流而北  
千里而東千里而南龍門山在河東之西界正義曰  
地理志云積石山在金城河關縣西南羌中龍門山  
在馮翊夏陽縣北林氏曰此州達於帝都有二道浮  
于積石至于龍門西河者一道也自渭汭以達于河  
首又一道也蔡氏曰雍之貢道有二其東北境則自

積石至于西河其西南境則會于渭汭王氏曰東北當云西北蓋雍東距河若東北境則直浮西河不須浮于積石也渭按漢河關縣在今陝西西寧衛西南塞外夏陽今西安府之韓城縣也積石龍門見導河渭汭見上文雍之西北境遠近不同各從其便以至龍門不盡由積石其曰浮于積石者舉遠以該近耳會于渭汭言出渭之舟逆流而上與浮河之舟相會於渭水之北今韓城縣北龍門山南是其地也

或問雍西北境與西南境分爲二道當作何界別曰西傾鳥鼠之西漢朔方五原及河西五郡地皆浮河是爲北道太華終南博物以北漢隴西天水

安定北地上郡之地皆浮渭是爲南道人欲避龍門之險苟有水可以通渭者無不由南道矣織皮以下十二字即不從蘇氏更定其三國之貢道亦必浮積石下龍門也

渭汭在河之西岸華陰朝邑韓城之地皆是也東與蒲州滎河分水此言雍之貢道故特以西岸言之韓汝節云今蒲州舜所都也渭水之北今朝邑縣南境渭水至此東入河折而北三十里即蒲州故舟皆會于渭北今按北船出龍門至滎河縣北汾水入河處便當東轉泝汾無緣更順流而下至朝邑與南船會也且禹告成當堯時帝都平陽距

蒲阪三百餘里韓城北連龍門東對汾口南北貢  
船相會當在其間曷爲引蒲州以證乎

傳云逆流曰會不必泥又云自渭北涯逆水西上  
西當作而謂南船出渭之後逆河水而上與北船  
相會也孔疏不知爲誤字釋曰禹白帝訖從此西  
上更入雍州界真是郢書燕說

閻百詩據金城郡爲漢昭帝所置以辨孔傳之僞  
黃子鴻難之曰安知傳所謂金城非指金城縣而  
言乎百詩未有以應也今按安國卒於武帝之世  
昭帝紀始元六年以邊塞闊遠始取天水隴西張  
掖郡各二縣置金城郡此六縣中不知有金城縣

舊地志積石山繫河關縣下而金城縣無之觀

中塞外四字則積石山不可謂在金城郡界矣况

縣乎且水經注所敘金城縣在郡治允吾音錫縣東

唐為五泉縣蘭州治宋曰蘭泉即今臨洮府之蘭

州也與積石山相去懸絕傳所謂金城蓋指郡言

而郡非武帝時有也此豈身為博士者之手筆乎

蔡傳曰按邢恕奏乞下熙河路造船五百隻於黃

河順流放下至會州西小河內藏放熙河路漕使

李復奏竊知邢恕欲用此船載兵順流而下去取

興州契勘會州之西小河鹹水其闊不及一丈深

止於一二尺豈能藏船黃河過會州入韋精山石



峽險窄自上垂流直下高數十丈船豈可過至西  
安州之東大河分爲六七道散流渭之南山逆流  
數十里方再合逆溜水濺灘磧不勝舟載此聲若  
出必爲夏國侮笑事遂寢邢恕之策如李復之言  
可謂謬矣然此言貢賦之路亦曰浮于積石至于  
龍門西河則古來此處河道固通舟楫矣而復之  
言乃如此何也金吉甫云李復所奏河道一則恐  
出於吏民之託辭一則故道久廢岸谷變遷亦恐  
非復禹迹之舊渭按孟門以上河患絕少未必有  
岸谷變遷之事恕邪人將開邊釁吏民之所苦復  
因人情而奏寢其事所陳二處湍險恐亦非欺罔

然韋精山石峽懸流豈能及龍門竹箭之駛西安  
州逆溜灘磧亦不過如砥柱闕流之艱龍門可下  
而砥柱可度此二處何遂不可行大槩是不欲興  
作故極言其害

鐵皮崑崙析支渠搜西戎即敘

釋文崑崙門反析星歷反搜所由  
反涓按崑崙史記作昆侖漢書作

昆侖漢書作叟瀨  
通古史更讀曰搜

顏氏曰崑崙析支渠搜三國名也林氏曰三國皆西  
戎之種故以西戎總括於下又曰蘇氏謂三國皆篚  
織皮但古語有顛倒詳略耳其文當在嚴貢惟球璠  
琅玕之下浮于積石三句當在西戎即敘之下以記

河水道結雍州之末簡編脫誤不可不正某竊謂

不無所敘有先後之不同者皆據當時事實而言  
之如冀州恒衛旣從大陸旣作獨在田賦之下可據  
當時事實而言之必如蘇說則亦當屬至于衡漳之  
下矣蘇氏多變易經文以就已意此類是也傅氏曰  
梁州言熊羆狐狸織皮此獨言織皮者蒙上文也渭  
按三國皆西戎而西戎不止於三國三國乃西戎之  
大者皆來入貢則其餘無不賓服故曰西戎即敘  
輕改經文此學者之大患然古經實有脫誤不可  
曲爲附會蹈郢書燕說之弊者如雍州織皮以下  
十二字是也不必遠證第參以梁州之文則此爲  
錯簡明其其曰織皮即熊羆狐狸織皮也但文有

詳略耳曰崑崙析支渠搜猶西傾也但國有多少耳曰西戎即敘猶言因桓是來也但辭有同異耳曰浮于積石至于龍門西河會于渭汭猶言浮于潛逾于沔入于渭亂于河也但彼為一道此為二道耳梁西傾貢物在貢道之前雍何獨不然其浮于積石三句為雍闔州之貢道猶浮于潛四句為梁闔州之貢道也然三國之貢非積石無由入而雍之西北境則不由積石者多是又不可執一而論矣推尋事理蘇說為長余不敢變置經文故順經立義於前而重伸其說於後林氏引冀州恒衛大陸之例以折其非是或一義然八州之貢物未

涌列於貢道之後者而雍獨如此則織皮以下十  
二字定當在厥貢球琳琅玕之下安得謂蘇氏變  
置經文以就已意哉蔡傳宗林氏而仍存蘇說於  
圈外蓋亦心知其長而不能盡廢也

崑崙國名蓋附近崑崙山者傳記言崑崙凡四處  
一在西域山海經云崑崙墟在西北河水出其東  
北隅釋氏西域記謂之阿耨達山水經注云按山  
海經自崑崙至積石一千七百四十里又引涼土  
異物志曰蔥嶺之水分流東西西入大海東爲河  
源禹紀所云崑崙者是也一在海外大荒經云西  
海之南流沙之濱有大山名曰崑崙其下有弱水

之淵環之此山與條支大秦國相近禹本紀云去  
嵩高五萬里者是也一在酒泉漢志金城臨羌縣  
西北有西王母石室西有弱水崑崙山祠崔鴻十  
六國春秋云張駿時酒泉太守馬岌上言酒泉南  
山即崑崙之體周穆王見西王母樂而忘歸謂此  
山也上有石室王母堂珠璣鏤飾煥若神宮禹貢  
崑崙在臨羌之西即此明矣括地志云在酒泉縣  
西南八十里今肅州衛西南崑崙山是也一在吐  
蕃通典云吐蕃自云崑崙山在國中西南河之所  
出唐書吐蕃傳云劉元鼎使還言自湟水入河處  
西南行二千三百里有紫山直大羊同國古所謂

崑崙虜曰悶摩黎山東距長安五千里河源其間是也渭按酒泉在雍州之域不可謂西戎西海距玉門陽關四萬餘里而崑崙更在西海之南去積石太遠其非禹貢之崑崙國明甚西域吐蕃未知孰是吐蕃悶摩黎山以劉元鼎言計之東北距大積石不過千餘里浮河甚便然自唐以前未有言崑崙在羌中者何可深信西域之崑崙據山海經云至積石一千七百餘里則浮河亦不難蓋崑崙與析支渠搜皆在雍州之外禹治雍身歷其境三國聞風慕義爭先入貢其過化存神之妙有如此也

水經注云積石在西羌之中燒當所居也延熹二  
年西羌燒當犯塞護羌校尉段熲討之追出塞至  
積石山斬首而還司馬彪曰西羌者自析支以西  
濱於河首在右居也河水屈而東北流逕於析支  
之地是爲河曲矣應劭曰禹貢析支屬雍州在河  
關之西東去河關千餘里羌人所居謂之河曲羌  
也後漢西羌傳云西羌之本出自三苗姜姓之別  
也其國近南岳及舜流四凶徙之三危河關之西  
南羌地是也濱於賜支至乎河首緜地千里賜支  
者禹貢所謂析支者也南接蜀漢徼外蠻夷西接  
鄯善車師渭按漢人以西域兩河合流至龜澤潛



行地下南出於積石爲中國河故謂積石爲河首  
北音讀析如賜字從聲變故一作賜支其地後爲  
党項所居通典云党項羌在古析支之地漢西羌  
之別種北連吐谷渾也

傅同叔云陸氏曰漢志朔方郡有渠搜縣武紀云  
北發渠搜是也以余考之漢朔方之渠搜非此所  
謂渠搜此亦當是金城以西之戎也後世種落遷  
徙故漢有居朔方者若禹時渠搜居朔方則不應  
浮積石陸說非也渭按水經河水自朔方東轉逕  
渠搜縣故城北注云禮三朝記曰北發渠搜南撫  
交趾此以北對南禹貢之所云析支渠搜矣謀治

道元陸氏因之大戴禮漢武帝詔並有三朝記語

渠搜與交阯對舉則不在朔方可知龜茲音丘王國

治去長安七千四百八十里而上郡有龜茲縣師

古曰龜茲國人來降附者處之於此故以名云朔

方之渠搜亦此類也周書王會篇曰渠搜以鼯犬

注云露犬也能飛食虎豹涼土異物志曰古渠搜

國在大宛北界隋書西域傳曰鏐汗國都蔥嶺之

西五百餘里古渠搜國也本裴矩西域圖記渠搜之在西域

有明徵矣據漢書大宛北與康居接並在蔥嶺西

而異物志言渠搜在大宛北界豈漢時康居部落

即古渠搜之地與或曰鏐汗在蔥嶺之西以爲渠

搜毋乃太遠曰奚有於是條支國臨西海去玉門陽關四萬餘里漢時猶且來獻今鑿汗國都去長安不過一萬二千二百五十餘里浮河而下至平

陽則視長安又差近何言太遠也

西域傳云東居國王治去長安萬二千三百里

大宛國王治去長安萬二千五百五十里古渠搜在大宛北界道里當略同又水經注引西河舊事曰蔥嶺在敦煌西八千里通典云獻煌郡去西京三千七百五十五里并蔥嶺西五百餘里計之則鑿汗去長安一萬二千二百五十餘里恰與康居里數相符其為古渠搜國又何疑焉且後

世德不足以及遠尚能威行萬里之外况舜禹之德聲名洋溢無遠弗届者哉經首崑崙次析支次渠搜蓋以入貢之序為先後也

傳云四國在荒服之外流沙之內羌髻之屬蓋以西戎與三國並列而為四孔疏分渠搜為二國非

傳意也然西戎乃總名安得與三國並列而為四  
王肅云西戎西域也吳幼清云西戎又在三國之  
外如漢之西域亦總三十六國今按漢之羌唐之  
吐蕃皆西戎也非獨西域三國亦西戎不可謂西  
戎在三國之外析支為羌種崑崙渠搜乃西域要  
之皆西戎也諸說並未當

或問璆琳琅玕出崑崙而三國顧以織皮貢何與  
曰班固西域傳贊云書曰西戎即序禹既就而序  
之非上威服致其貢物也鳥夷貢皮服卉服西傾  
崑崙析支渠搜貢織皮蓋自古有然遠人嚮化  
苟以是物至則受之而已非若九州之貢制有常

品相循爲歲事也李善文選注引世本曰舜時西  
王母獻白環及佩則告成之後亦或有以寶玉獻  
者然魯語云昔武王克商通道於九夷八蠻各以  
其方賄來貢而肅慎氏所貢惟楛矢柝石則亦不  
必皆寶玉若王會篇所列則與蒲梢龍文鉅象師  
子猛犬大雀之類無異矣漢文却千里之馬世爲  
美談聖人不貴異物縱彼以是貢吾豈不能却之  
周書固未可盡信也